

S2617

3

1-2

評琴書屋

醫國略

陳環題



同淵戊辰
大寒復葉

序

醫之道微矣四難未審二反遽施毫釐之差滋蔓彌甚
自張仲景垂範援證立方本論闡於傷寒雜治編於金
匱晰奇胲於鍼鼻轉瘳死於麥芒千祀以還咸資準的
然而傳經中絡受病固殊辛熱苦寒施劑尤劇偶遇噫
嘔詎假烏頭作帝纔逢痰痞卽推蜚母爲君斧伐或致
傷元升提因之耗液欲登仁壽厥道無由此吾友潘君
蘭坪所以有醫畧之作也原夫風寒異中湯別桂麻表
裏殊攻治歸經脈而濁從鼻入息祇透於膜原寒以陽

舒氣或蒸爲內熱毫毛所中詎由關膈之經洒淅爲淫
未入支蘭之藏君乃別傷爲感異熱於寒取冲淡以養
和雜芳香而逐穢列柴胡於八陣方嗤景岳之粗釐暑
熱於三焦全守河間之法復以濕蒸痞起痢重瀉澹辨
嘔吐之實虛審制消於水火不貪汗下微判清溫則以
外感溫熱立法而濕瘧瀉痢消渴嘔吐諸證附焉自是
以還不脛而走執簡問明堂之訣叩門求禁要之方君
復刪掇外臺折衷診籍以爲戶樞不轉則痛擾諸官主
藏失調則血凌百脉不分部次何殊隔幕之覘未酌盈

虛卒有潰川之變况復鬱蒸成疾癰閉爲災州都無氣
化之官水府窒司冥之令軒轅失馭濁黃溢於龍門金
火相刑虛白傷其虎穴爰分痛血逮夫濁淋辨燥濕於
疸遺別風邪於咳喘集方七十七首列證三十三門不
須五診之能悉合六微之旨洵可家藏笥篋人免祲氛
矣或者謂扁鵲善醫隨俗爲變邯鄲貴婦爲帶下醫雒
陽重老爲耳目痺醫咸陽愛小爲小兒醫君於諸條未
遑舉例不知邪淫客感病多中於少年春蠶秋犖動易
招於沴氣治惟先乎腠理患靡入於膏肓若夫杖鄉稱

言
考度閣娛珍頤養當慎於重茵權輿詎資乎百草嬰童
周晔亦傳百問之篇婦女專科別立奇經之部無求泛
濫庶便巾箱至於調和六鑿消息三停仲氏覘毫長兄
治色占无妄之有喜以不藥爲中醫此視人之調劑尤
屬君之宏願也茲以殺青甫竟問道於盲爰以卮言弁
諸卷首學慚好問敢汗李杲之書世有史遷待續倉公
之傳同治四年四月同里李光廷序

自叙

兒姪輩從師羊城余慮其功課之餘風寒不慎飲食不節因訂外感春溫暑濕瀉痢瘧七症方與之庶免臨渴而掘井後據云服之多效卽館友亦有遵此法而除病者余聞其驗遂繙閱自著舊方皆從平穩立法旣無伏邪之患亦無傷元之憂始則欲便子姪繼則思並益同人因復增入頭心腰腹脇腳耳牙疳氣痿躄諸痛小便大便衄吐諸血又消渴嘔吐噎隔反胃霍亂黃疸淋濁癰閉遺精欬嗽諸症大抵少年輩起居飲食不謹所致

者共成三十三症此外證治雖尙多遺畧但此中數症
實人生所易患且又每見時醫悞治而世人受其害者
不少是以不必求其全而思撮其要擬附梓人公諸同
好俾不知醫者亦得自爲調理不致爲庸醫所悞凡初
起輕恙按法服之諒易就痊至若久恙重恙又不敢謂
能盡奏效也番禺潘名熊蘭坪氏自序於西村之評琴
書屋

凡例

一是書專爲不知醫者備臨時急用因加圈點以便或
忙中檢閱故證治僅從粗淺立論方藥亦從平穩立
法

一書中列證祇就少年輩飲食起居不慎七情六氣易
傷礙方商治故婦科小兒科與高年久恙諸證治一
概不參入

一方下列應加藥味中有列至八九味之多者非謂必
須盡數加入倘於所見症有相合不過加入兩三味

耳蓋方內藥味或宜於因症加減不必盡照原方與分錢之數也

一凡醫家訂方選藥必須先求無過然後再求有功況此醫畧爲未涉醫者巾箱便用選藥尤宜謹慎是以立方祇取平淡不尙神奇但因症加藥處又不得不選入大辛熱大苦寒之品以防劇恙倘看書者能小心因症酌加諒亦調劑得當也

評琴書屋主人謹識

醫畧目錄

卷一

外感

春溫

附冬溫

暑症

附案一

濕症

泄瀉

痢症

附時行

傳染

瘧症

附案二

卷二

消渴

嘔吐

附噎膈

反胃

疸症

附案二

頭痛

附偏正頭風

腹痛

附疝氣案一

霍亂

心痛

附案一

脇痛

腰痛

脚痛

附痿躄

耳痛

附耳鳴

耳聾

牙痛

卷三

淋症

附濁症案二

癰閉

遺精

大便血

小便血

衄血

齒衄鼻衄同治

吐血

附案四

欬嗽

附案一

附

寄馮友人脾胃論古方詩題贈

評琴書屋醫畧卷一

番禺潘名熊蘭坪著

男

龍章雲臺校刊
鸞章翅霓

外感症

卽傷風症。稍貪風涼。最易感受。見症頭痛鼻塞。或發熱欬嗽。因時用藥。治法較妥。今卽春夏秋冬訂方列左。

春日外感

經云春傷於風。又云春傷於溫。謂春日受風。其氣已溫。須防夾入春溫一症。溫邪忌汗。故也。春主升。夏主泄。卽外感亦忌大發汗。春溫症見下。倘口乾舌燥。壯熱煩冤。便是春溫的症。當從下篇春溫法治。

外感

北杏仁一錢半

紫蘇梗一錢半

嫩竹葉四錢鮮取剪碎煎

建神麴一錢半

細甘草八分

梔子殼一錢半

加葱白四錢淡豆豉三錢同煎

頭痛加連翹鈎藤有痰而渴加鮮竹茹瓜蒌皮仁不用

渴加半夏芥子。欬加桔梗杷葉食滯加萊菔子麥芽。

曾食肥膩加山查實熱加芩連梔殼改用梔仁夜熱加丹皮

地骨倘氣虛中寒者獨用葱豉湯加黨參四五錢生

薑四五片煎服便合其黃耆神麴亦可酌加若氣血

兩虛而見微寒微熱者用參歸桂枝湯加陳皮煎方即

桂枝湯加
人參當歸

夏日外感

夏傷於濕當佐以去濕夏易
恐暑當佐以清暑

北杏仁

二錢

川滑石

三錢

豉

菁蒿梗

二錢

建神麴

一錢

甘草梢

七分

冬瓜皮

四錢

加鮮蓮葉

三錢

葱

一條

爲引

濕盛再加倉朮或茵陳苓皮小便黃短加梔子木通

另有見症當加藥與氣虛中寒者當看前春日外感

所列

秋日本感

秋傷於燥辛溫藥宜少用

北杏

三錢

神麴

二錢

杷葉

三錢

梨皮

三錢

甘草

七分

加鮮蓮葉

三錢

鮮紫蘇葉

一錢

爲引

發熱而咳

加土桑白皮

三錢

地骨皮

三錢

燥渴加麥

冬知母

或鮮活水蘆根

生粉葛肉

二物代茶亦佳

兼受秋暑

氣加滑石

冬瓜皮

或乘露取鮮嫩竹葉

另有見症當

加藥與氣虛中寒者

仍看前春日外感所列

冬日外感

冬傷於寒。且秋主收。冬主藏。用藥辛散些。不妨。但冬溫

症。非所宜耳。

冬溫症見下
春溫症証

南方風傷衛者多。寒傷營者

少。如確傷寒。自有仲景師傷寒證治可考。不復贅。

北杏

三錢

神麴

二錢

蘇葉

二錢

防風

一錢

甘草

七分

加生薑

二片

葱

二條

爲引

另有見症。當加藥。與氣虛中寒者。仍看前春日外感

所列

春溫症

冬溫同論
症治

冬傷於寒。春必病溫。蓋寒邪久伏。已經化熱。且入春感